



Broj: 07-08-04-42543/23
Sarajevo, 20.11.2023. godine

SKUPŠTINA KANTONA SARAJEVO
Predsjedavajući Skupštine Kantona Sarajevo
- o v d j e -

PREDMET: Odgovor na zastupničku inicijativu zastupnice Sanelle Klarić

Zastupnica u Skupštini Kantona Sarajevo Sanela Klarić, na Devetoj radnoj sjednici Skupštine Kantona Sarajevo, održanoj dana 03.10.2023. godine, u okviru tačke Dnevnog reda "Poslanička/zastupnička pitanja, inicijative i odgovori", uputila je zastupničku inicijativu:

" Poštovani, na osnovu člana 213. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22), za organizovanje radnog sastanka sa svim zainteresovanim stranama za potrebe organizovanja tradicionalnog bazara za mirko uzgajivače voća i povrća, proizvođače proizvoda od voća i povrća, drugih tradicionalnih proizvoda od prirodnih lokalnih materijala i obrtnike.

OBRAZLOŽENJE:

Nakon provedenog istraživanja o potrebama organizacije tradicionalnog bazara za mikro uzgajivače voća i povrća, proizvođači proizvoda od voća i povrća ili od drugih lokalnih prirodnih materijala i obrtnike sa samim proizvođačima koji trenutno u neadekvatnim i nehumanim uslovima koji su ruglo KS prodaju svoje proizvode kao i sa Turističkom zajednicom, JP Tržnice KS, Kantonalnom upravom za inspeksijske poslove, Gradom Sarajevom i građanima KS svi smo zaključili da isti nemaju adekvatan prostor za izlaganje svoje robe i proizvoda, pa su primorani svoje proizvode plasirati na neadekvatnim i nehigijenskim lokacijama kao što su mostovi, trotoari, pasaži i slično.

Pošto su svi sagovornici podržali inicijativu predlažem resornom ministarstvu da u saradnji sa lokalnim samoupravama i JP Tržnice Sarajevo organizuje sastanak na koji bi pozvali Turističku zajednicu KS, predstavnike grada Sarajeva, opština, Kantonalne uprave za inspeksijske poslove kako bi obezbjedili lokacije za pilot organizovanje predloženih tradicionalnih bazara. Projektom se može brendirati Kanton Sarajevo te ovi bazari postati dio turističke ponude sa prodajom tradicionalnih lokalnih proizvoda u ambijentu tradicionalnih bosanskih kućica/štandova te brendiranje ovih malih proizvođača "Hanumica" po uzoru na grad Zagreb koje je svoje proizvođače prepoznao i brendirao kao "Kumice".

Ovim proizvođačima najveći problem predstavlja registracija, jer JP Tržnice ne mogu sklopiti ugovor sa neregistrovanim korisnicima te bi u tom pogledu trebali adresirati molbu prema



Općinskim službama sa molbom za pomoć pri ovome pitanju. Kantonalna Uprava za inspeksijske poslove bi trebala biti uključena kod potvrde ispravnosti proizvoda, Turistička zajednica bi imala ulogu brendiranja i uključivanja ovih tradicionalnih marketa u turističke ponude te Grad Sarajevo pomogao u odabiru i realizaciji pilot lokacija. Menadžment JP Tržnice spreman je, ukoliko se ispune gore navedeni uslovi, pružiti logističku podršku. Zato smatram da je jako važno da okupimo sve zainteresovane strane i pokrenemo ovu inicijativu na najbolji način da bismo riješili ovo važno privredno pitanje”.

Odgovor na zastupničku inicijativu

Ministarstvo privrede Kantona Sarajevo smatra zastupničku inicijativu zastupnice Sanele Klarić intresantnom, kako bi se podržali mali proizvođači i obogatila ponuda sa prodajom tradicionalnih lokalnih proizvođača u ambijentu tradicionalnih bosanskih kućica/šandova te brendiranje malih proizvođača “Hanumica” po uzoru na grad Zagreb koji je svoje proizvođače prepoznao i brendirao kao “Kumice”.

Smatramo da navedeno može biti interesorni projekat, te je Ministarstvo privrede Kantona Sarajevo uputilo poziv na sastanak Ministarstvu komunalne privrede, infrastrukture, prostornog uređenja, gradenja i zaštite okoliša Kantona Sarajevo, KJKP “Tržnice-Pijace” i Turističkoj zajednici Kantona Sarajevo.

Zastupnicu Klarić, kao inicijatora ideje, upoznaćemo sa detaljima prvog radnog sastanka.

S poštovanjem.



Dostaviti:

1. Naslovu.
2. Vladi-Kantona Sarajevo - na znanje.
3. Evidenciji,
4. a/a.

